



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-1-40-398-10/22**
Datum: **06.01.2023. godine**

«Agencija za vodno područje rijeke Save» Sarajevo rješavajući po zahtjevu pravnog lica «TRGOŠPED» d.o.o. Kakanj za donošenje rješenja o prethodnoj vodnoj saglasnosti za ispuštanje tehnoloških otpadnih voda u prirodni recipijent i za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta mobilne betonare kapaciteta 10m³/h na lokalitetu Modrinje, općina Kakanj, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o prethodnoj vodnoj saglasnosti**

1. Pravnom licu, «TRGOŠPED» d.o.o. Kakanj daje se prethodna vodna saglasnost za ispuštanje tehnoloških otpadnih voda u prirodni recipijent i za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta mobilne betonare kapaciteta 10m³/h koji se planira na lokalitetu Modrinje, na zemljištu označenom kao k.č. 2062/1 K.O. Gora, općina Kakanj, a u postupku pribavljanja urbanističke saglasnosti i okolinske dozvole ukoliko je za predmetni objekat i aktivnost potrebna okolinska dozvola.
2. Ova prethodna vodna saglasnost ne oslobađa podnosioca zahtjeva obaveze pribavljanja prethodne vodne saglasnosti za korištenje vode (za tehnološke potrebe i hidrantsku mrežu) i ispuštanje sanitarno-fekalnih otpadnih voda iz predmetnog objekta, a za čije izdavanje je nadležno Ministarstvo za poljoprivredu, šumarstvo i vodoprivredu Zeničko-dobojskog kantona, odnosno nadležna općinska/gradska služba u skladu sa članom 139. stav (2) tačka 1. i 2. i stav (3) Zakona o vodama.
3. Prethodna vodna saglasnost daje se na osnovu pregleda dostavljene dokumentacije i pod sljedećim uslovima:
 - 3.1. Da je planirana aktivnost izgradnje predmetnog objekta usklađena sa važećom prostorno-planskom dokumentacijom i razvojnim planovima općine Kakanj.
 - 3.2. Da se u okviru projektnog rješenja primjene tehničko-tehnološke mjere kojima će se spriječiti kontaminacija vode, tla i zraka.
 - 3.3. Izraditi investiciono tehničku dokumentaciju potrebnu za pribavljanje vodne saglasnosti za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i ispuštanje tehnoloških otpadnih voda u prirodni recipijent sa lokaliteta predmetnog objekta mobilne betonare kojom će se jasno definisati potreban tretman tehnoloških otpadnih voda u cilju postizanja propisanih uslova kvaliteta vode u skladu sa Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20 i 96/20).
 - 3.4. Investiciono-tehnička dokumentacija treba biti urađena i revidovana od strane pravnih lica koja imaju ovlaštenja (lista «A») pribavljena od strane Federalnog ministarstva poljoprivrede, vodoprivrede i šumarstva i treba da obradi sva pitanja definisana članom 5. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22) koja su bitna za konkretan slučaj, a naročito:
 - Zemljišna čestica označena kao k.č. 2062/1 K.O. Gora, općina Kakanj se nalazi dijelom unutar granice vodnog dobra uz rijeku Bosnu, te na tom dijelu zemljišne čestice zabranjeno je izvođenje zahvata osim onih koji su navedeni članom 12. Zakona o vodama.
 - Zemljišna čestica označena kao k.č. 2062/1 K.O. Gora, općina Kakanj se nalazi dijelom nalazi unutar pojasa koji je na udaljenosti manjoj od 10 m od linije dopiranja velikih voda

rijeke Bosne ranga pojave 1/100 tj. za taj dio zemljišne čestice važe zabrane koje su propisane članom 96. Stav (1) tačka 16. Zakona o vodama.

- Na osnovu proračuna količina vode potrebne za nesmetan rad objekta betonare, obraditi tehničko rješenje snabdijevanja vodom, dovodjenja vode do objekta i mjerenja količina utrošene vode, sa svim potrebnim grafičkim priložima i tehničkim opisom.
- Kompletan proračun kvantitativnih i kvalitativnih karakteristika tehnoloških i ostalih otpadnih voda koje nastaju na lokaciji predmetnog objekta sa relevantnim parametrima potrebnim za projektovanje sistema za prikupljanje, odvodnju i tretman istih prije ispusta u krajnji recipijent.
- Dati tehničko rješenje tretmana tehnoloških otpadnih voda nastalih spravljanjem betona, pranjem procesne opreme i sa svim potrebnim proračunima i tehničkim opisom sa definisanim načinom ispusta prečišćenih voda u recipijent.
- Dati rješenje prikupljanja i odvodnje oborinskih onečišćenih voda sa platoa oko objekta, saobraćajnih i manipulativnih površina, te način prečišćavanja i disponiranja istih.
- Predvidjeti ugradnju okna za monitoring prije ispusta prečišćenih voda u recipijent.
- Dati osnovne podatke o recipijentu, sa detaljem ispusta prečišćenih voda u isti. Lokalitet ispusta prečišćenih voda mora biti naznačen na situaciji adekvatne razmjere, kao i mjesto vršenja monitoringa prečišćenih voda (okno za uzimanje uzoraka).

3.5. U cilju onemogućavanja ili smanjenja štetnih posljedica velikih voda rijeke Bosne ranga pojave 1/100 na predmetnu parcelu, projektnom dokumentacijom dati tehničko rješenje zaštite predmetnog lokaliteta i objekta lociranom na istom. Hidraulički podaci za predmetni lokalitet su $Q_{1/100}=1135.17 \text{ m}^3/\text{s}$, $H_{1/100}=362.72 \text{ m n.m.}$

- 3.6. Usvojenim sistemom prečišćavanja otpadnih voda mora se obezbjediti da prečišćene otpadne vode, prije ispuštanja u recipijent – rijeka Bosna, zadovolje granične vrijednosti emisija otpadnih voda definisane u prilogu 27. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
- 3.7. Projektnom dokumentacijom definisati da se opasni i neopasni materijal i otpad u toku rada predmetnog objekta ne smije ni privremeno odlagati na česticu «vodno dobro», odnosno u vodotok i na njegove obale i prostor unutar granica dopiranja velikih voda.
- 3.8. Projektnom dokumentacijom obuhvatiti i situativno prikazati cjelokupan lokalitet sa objektima, definisati tačan položaj/lokaciju postrojenja u odnosu na rijeku Bosnu i druge te sagledati mogućnost nastajanja neželjenih uticaja na kvalitet površinskih i podzemnih voda.
- 3.9. Projektnom dokumentacijom sagledati sve moguće neželjene uticaje planiranih radova na režim površinskih i podzemnih voda, postojeću infrastrukturu, druge objekte i postrojenja, stečena prava korisnika, naselja i slično i dati prijedlog mjera za uklanjanje odnosno ublažavanje tih utjecaja.
- 3.10. Pri izradi tehničke dokumentacije pridržavati se uslova iz Rješenja o urbanističkoj saglasnosti, zakonske regulative vezane za ovakvu vrstu radova, ekološko-ekonomskih zahtjeva te pravila struke i nauke.
- 3.11. Investiciono tehnička dokumentacija mora biti urađena na nivou glavnog projekta potrebnog za pribavljanje odobrenja za građenje te u skladu sa uslovima iz ove prethodne vodne saglasnosti i uslovima ostalih nadležnih organa ukoliko isti nisu u suprotnosti sa uslovima iz ovog Rješenja.
4. Ovu prethodnu vodnu saglasnost će Investitor koristiti u postupku pribavljanja urbanističke saglasnosti i okolinske dozvole i ona definiše sve uslove koje Investiciono-tehnička dokumentacija treba ispuniti za pribavljanje vodne saglasnosti, a sve u skladu sa Zakonom o vodama i provedbenim dokumentima (Pravilnik o sadržaju, obliku, uslovima, načinu izdavanja i čuvanja vodnih akata, Uredba o uslovima ispuštanja otpadnih voda u okoliš i sisteme javne kanalizacije).
5. Po izradi i reviziji investiciono-tehničke dokumentacije, u skladu sa uslovima iz tačke 3. dispozitiva ovog Rješenja, korisnik prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti na izrađenu projektnu dokumentaciju.
6. Zahtjev za izdavanje vodne saglasnosti dostavlja se u skladu sa članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22). Uz zahtjev se prilaže:

- 6.1. Revidovana Investiciono-tehnička dokumentacija urađena na nivou glavnog projekta i u skladu sa uslovima iz dispozitiva ovog rješenja
- 6.2. Rješenje o urbanističkoj saglasnosti i okolinskoj dozvoli ili potvrda nadležnog organa da ista nije potrebna
- 6.3. Dokaz o izvršenoj uplati upravne takse u iznosu od 60 KM.
7. Ova prethodna vodna saglasnost se daje sa rokom važenja od 3 (tri) godine od dana pravosnažnosti rješenja i ista prestaje da važi ukoliko ne bude pribavljena urbanistička saglasnost i ne bude podnesen zahtjev za izdavanje vodne saglasnosti.
8. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavjestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
9. Ovo rješenje o prethodnoj vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice «TRGOŠPED» d.o.o. Kakanj, dana 04.08.2022., podnijelo je zahtjev za izdavanje prethodne vodne saglasnosti objekat mobilne betonare kapaciteta 10m³/h koji se planira na lokalitetu Modrinje, na zemljištu označenom kao k.č. 2062/1 K.O. Gora, općina Kakanj.

Uz zahtjev nije dostavljena dokumentacija koja je propisana članom 3. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22) te je dopisom broj: UP-1/21-1-40-398-2/22 od 09.08.2022. godine zatraženo od podnosioca zahtjeva da istu dopuni. Podnosilac zahtjeva je dopisom broj AZ-206/22 od 19.09.2022. tražio produženje roka za dopunu dokumentacije, što je i odobreno dopisom broj: UP-1/21-1-40-398-4/22 od 19.09.2022. Podnosilac zahtjeva je dostavio traženu dokumentaciju.

U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra broj: 043-0-RegZ-22-001318 od 05.05.2022. izdatog od Općinskog suda u Zenici,
- Ovjerena kopija Uvjerjenja o poreznoj registraciji izdatog dana 22.07.2014. od Porezne uprave Federacije BiH – Kantonalni porezni ured Zenica,
- Ovjerena kopija Uvjerjenja o registraciji/upisu u Jedinstveni registar obveznika indirektnih poreza broj: 04/1-17-1-UPJR/1-5292-2/14 od 04.09.2014. izdatog od Uprave za indirektno-neizravno oporezivanje Banja Luka,
- Dokaz o uplaćenju upravnoj taksi,
- Kopija Mišljenja o usklađenosti planiranih aktivnosti sa planskim dokumentima broj: 04/1-970/22 od 17.08.2022. godine izdatog od Službe za privredu, urbanizam i zaštitu okoline Općine Kakanj,
- Ovjerena Kopija katastarskog plana UR broj: 06/2-26-12537/2021-3 od 11.08.2021. izdatog od Službe za imovinsko-pravne, geodetske poslove i katastar nekretnina Općine Kakanj,
- Ovjerena kopija Posjedovnog lista broj 947 od 19.11.2021. izdatog od Službe za imovinsko-pravne, geodetske poslove i katastar nekretnina Općine Kakanj,
- Ovjerena kopija Zemljišnoknjižnog izvotka broj: 036-0-NAR-21-002 607, ZK uložak broj 1282, od 11.08.2021. godine izdatog od Zemljišnoknjižnog ureda Općinskog suda u Kakanju,
- Studija za ishodovanje prethodne vodne saglasnosti – privremena mobilna betonara kapaciteta 10 m³/h, broj: 20-IB-S/22, septembar 2022., urađena od «IBIS» d.o.o. Zavidovići.

Nakon izvršenog uvida u dostavljeni zahtjev i priloženu dokumentaciju dopisom broj: UP-1/21-1-40-398-6/22 od 28.11.2022. zatraženo je očitovanje Sektora za upravljanje vodama ove Agencije, a vezano za položaj predmetne parcele u odnosu na vodno dobro i liniju dopiranja velikih voda rijeke Bosne ranga pojave 1/100 godina. Odgovorom broj: UP-1/21-1-40-398-7/22 od 30.11.2022. dobijeni su traženi podaci.

U skladu sa članom 124. stav (1) Zakona o vodama i članom 21. Pravilnika o sadržaju, obliku, uslovima, načinu izdavanja i čuvanja vodnih akata o zahtjevu je dana 09.12.2022. godine obavještena javnost

putem obavještenja na oglasnim pločama «Agencije za vodno područje rijeke Save» u Sarajevu i u Uredu u Zenici, te dana 12.12.2022. godine u dnevnom glasilu «OSLOBOĐENJE». U datom roku nije bilo pisanih izjašnjenja o predloženim aktivnostima iz zahtjeva.

Na osnovu uvida u priloženu dokumentaciju utvrđeno je:

- Predmetni objekat betonare kapaciteta je planiran na lokalitetu Modrinje, općina Kakanj.
- Utvrđeno je da se parcela na kojoj je planiran predmetni objekat dijelom nalazi unutar granica vodnog dobra i dijelom unutar pojasa koji je na udaljenosti manjoj od 10 m od linije dopiranja velikih voda rijeke Bosne ranga pojave 1/100. Parcela na kojoj je planiran predmetni objekat se ne nalazi u području zaštitnih zona površinskih i podzemnih voda.
- Planirani pogon za proizvodnju betona je kapaciteta 10 m³/h i planiran je izvan pojasa koji je na udaljenosti manjoj od 10 m od linije dopiranja velikih voda rijeke Bosne ranga pojave 1/10 i vodnog dobra.
- Tehnološke otpadne vode od pranja miksera za beton će se prikupljati u taložnik iz kojeg će se dio vode vraćati u proces proizvodnje.
- Zauljene otpadne vode će se odvoditi na taložnik, potom u separator masti i ulja. Prečišćene otpadne vode će se, preko okna za monitoring, ispuštati u rijeku Bosnu.
- Predviđeno je da se snabdijevanje vodom obezbijedi iz gradskog vodovoda.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, kao i onemogućavanja degradacije kvaliteta voda, podnosiocu zahtjeva su ovim vodnim aktom, u tački 3. dispozitiva rješenja, shodno odredbama Zakona o vodama, Pravilnika o sadržaju, obliku, uslovima i načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije propisani su uslovi koje je Investitor dužan ispuniti prilikom izrade projektne dokumentacije koja se dostavlja uz zahtjev za izdavanje vodne saglasnosti.

Na osnovu prednjeg i provedenog postupka, a shodno odredbama člana 111. Zakona o vodama i člana 5. Pravilnika o sadržaju, obliku, uslovima, načinu izdavanja i čuvanja vodnih akata, doneseno je rješenje kao u dispozitivu.

Podnosilac zahtjeva je uplatio upravnu taksu u iznosu od 80 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema Rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Sanja Miličić, građ.ing.

Po ovlaštenju
Rukovodilac Sektora za izdavanje vodnih akata



Hari Alisehović, dipl.ing.građ.

Dostaviti:

- «TRGOŠPED» d.o.o.
Ulica Branilaca bb, 72240 Kakanj
- AVP Sava, ISV – Vodna knjiga
- ⊖ Sektor 40 – arhiva
- Oglasna ploča - AVP Sava